

Ko e fakakatoatoaaga ke he tohi folafolaaga



Social Cohesion Guide

Ko e folafolaaga ku hagai ia ke he tau talahauaga he social cohesion (fakafetuiaga)

Ko e folafolaaga ku nei ne fakamahino ke he fofoga he social cohesion i Aotearoa Niu Silani fakamatapatu aki e tau vala tala ne kua maeke ke moua mai he tau magaaho nei. To eke e mena nei mo kamataaga ke he fuafuaaga he social cohesion mae anoia.

Ne hahā ki ai i Aotearoa Niu Silani, e social cohesion ke he magaaho ka fai matutakiaga mo e logonaaga kua eke a kita mae taha he kau, kua maeke ke kau fakalataha, mo e kua mailoga mo e fakalilifu he falu, kua fakalautatai e lalafi atu ke he matakau mo e tua atu ke he falu pihia mo e tau matakau fakatufono.

Ke moua e social cohesion, ko e tau nonofoaga he tau tagata, tau gahuaaga, tau feua fakafiafia mo e tau fakaakoaga ne kua lata ke haohao mitaki, femataaki mo e moua ai foki e felagomataiaki; mo e holo mitaki mo e fetatai e tau puhala gahua ke maeke ke tau ke he tau manako kehekehe poke tau mena kua lauia ai e tau momoui he tau tagata.


Nakai taha ni e puhala ke fuafuaaki e social cohesion i Aotearoa Niu Silani, ko e mena ia to fakaaoga ai a mautolu ke he loga e tau tokaaga he tau vala tala kehekehe he lali ke moua aki e taha maamaaga ko e fefe e fofoga he social cohesion. Kua fakaaoga e mautolu e tau vala tala mo e tau fakaputuaga he tau talahauaga ne kua moua mai he vahaloto he tau 2016 mo e 2021. Ko e talahauaga kua fa mahani ki ai, kua muaatu

e mitaki he tau vala tala moua ke he mahani he social cohesion, ka ko e falu a magaaho kua nakai mahino po ke fakakite fakahako e tau mena ne uka atu haggao ke he social cohesion. Ke fakataitai aki, kua nakai fa maeke ke fakaaoga tumau e tau vala tala ne kua fakaputu ke maama ki ai e social cohesion he tau matakau ikiiki he tau tagata.

Kua kitia ke he tau vala tala moua kua tokologa ne nonofo i Aotearoa Niu Silani ne kua tokoluga e tuaga he tau matutakiaga, femataaki, gahuahua auloo mo e tau malolo fakatagata. Ka e kitia foki ki ai nakai ko e tau logonaaga a nei he tau tagata oti. Ke fakataitai ki ai, kua fakakite ke he tau totouaga haggao ke he tau tagata Maui ko e tokoluga e tau tutuaga ke he tau matutakiaga ha koe tau magafaoa mo e tau aga fakamotu, ka e tokolalo mo e lolole e falanaki ke he fakatufono mo e tokolalo e kau fakalataha atu ke he tau fakaaoga, tau feua gahua tupe mo e tau viliaga.

Ke lalafi ki ai, kua fakakite ki ai he tau vala tala moua ko e tau puhala kehekehe ne taute aki e tau tagata ne eke mo taha mena ne paia aki e social cohesion i Aotearoa Niu Silani. Kua logona he falu he tau matakau kua tokoluga e nofoaga he tau puhala taute fakakehekehe e tau tagata, muaatu ki a lautolu e tau tagata kua o kehe mai ha lautolu a tau motu mo e kua nonofo fooku mai (refugees) pihia mo lautolu mai he tau atu Asia mo e Pasifika, tau mamatua nakai fai tokoua, mo lautolu ne nakai fai gahua. Tokologa he tau tagata ne kua logona ke he loga e tau mahani fili tagata kehekehe mo e logona katoatoa foki ke he tau mahani nei ke he taha e magaaho, ko e mena ia ati malolo atu e tau logonaaga kelea ha lautolu. Fakatai pehe nei, ko e tau fifine mo lautolu he tau rainbow communities (LGBTQIA) ne kua tokoluga lahi e tau logonaaga ke he tau mahani fili tagata katoatoa, ka e haha i ai foki falu tagata poke tau matakau kua lauia ke he tau mahani nai ha ko e tau motu kua totou ki ai, pokua nakai malolo e tau alaga tino, mo e falu atu foki.

Ke fakaoiti aki, kua fakakite he tau vala tala nei kua lata ke tokotokoluga hake e tau numela he tau tagata mai he tau motu kehekehe ke nonofo



he tau gahua takitaki mo e tau gahua tokoluga he fakatufono mo e tau fekafekauaga. Liga to kitia maali mai he tau mena nai e fakatino katoatoa he tau tagata i Aotearoa Niu Silani.

Fakatatai ni e tau mena kua lauia ke he tau mena mitaki mo e tau mena kelea ke he social cohesion i Aotearoa Niu Silani ha koe COVID-19. Fakataitai pehe nei, kua kau fakalataha e tau heagaapi ke felagomataiaki, ka e tokologa agaia ni he tau tagata kua nakai maeke ke feleveia mo e kitia ha lautolu a tau magafaoa mo e tau kapitiga mata-kehe-mata, mo e kua holo ki mua e lololele he tau manamanatuaga mo e tau malolo tino ha ko e tatalu gagao. Logona agaia e tau lauiaaga ha kua totolo agaia ni e tatalu COVID-19.

